



KOMUNIKADO PA PRENSA

Fecha

22 Òktober 2013

Account Manager

Jhanirha Anita

Email

jhanirha.anita@gobiernu.cw

Nr.

SEGUN WARDAKOSTA MERIKANO:

KÒRSOU TA KUMPLI KU STANDARTNAN INTERNASHONAL DI SEGURIDAT DI HAF

Willemstad – Resientemente, Wardakosta Merikano (US Coast Guard) a hasi un oudit na Kòrsou i a konklui ku Kòrsou su ‘Willemstad Container Terminal’ na Nieuwe Haven i e terminal ‘Megapir’ na Rif den Otrobanda ta kumpli kompletamente ku reglanan internashonal riba e tereno di seguridat. Tambe e terminalnan aki ta kumpli ku e stándartnan usá pa e ISPS Code di seguridat di haf internashonal i di Wardakosta Merikano.

ISPS Code ta para pa International Ship and Port Security Code. Esaki ta un lei di e Organisashon Mundial Marítimo (IMO) ku ta stipulá medidanan pa alsa seguridat di barkunan i hafnan rònt mundu.

Manera tur haf rònt mundu, e haf di Kòrsou tambe ta wòrdu vigilá riba kumplimentu ku reglanan internashonal di seguridat. Wardakosta Merikano ta revisá nos hafnan periódikamente riba e tereno aki i ta oudit diferente terminal. Durante e oudit último aki, Wardakosta Merikano a kontrolá Willemstad Container Terminal, Mega-Cruise Terminal na Rif den Otrobanda i a hasi un kòntrol inisial na Curaçao Drydock Company.

E organisashon di Gobièrnu asigná ku asuntunan di seguridat di nos hafnan ta Outoridat Marítimo di Kòrsou, ku ta bou di responsabilidat di Minister Balborda di Ministerio di Tráfiko, Transporte i Planifikashon Urbano. Havenmeester huntu ku kada Port Facility Security Officer ta prepará i ehekutá plannan di seguridat di haf.

Outoridat Marítimo di Kòrsou, na nòmber di Minister Balborda, ta felisitá e hafnan di Kòrsou ku e bon trabou. Gobièrnu lo sigui fasilítá seguridat di nos hafnan atraves di leinan, proseduranan, workshop i training.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.